

1519. ԹՎ. ԶԿԸ. Եղաւ Սաղաւին կռիւն, զոր անհաւատ ազգն կոտորեց Դադարն զիւրան, վասն չմիաբանութեան քրիստոնէիցն:

1519. ԹՎ. ԶԿԹ. Ծնաւ Զիկմոնդ Թագաւորն՝ որ կոչի Ակուստ. վասն այն կոչի Ակուստ՝ զի օգոստոս ամսոյն ընծայեցաւ. և Թագաւոր օծեցին ի կենդանութեան հօրն, որ էր ԹՎն. ԶՀԹ (1530) յորժամ օծաւ, փետրուար 20:

1520. ԹՎ. ԶԿԹ. Սուլէման Խոնդէքարն նստաւ ի կայսրութիւն:

1524 ԹՎ. ԶՀԳ. Եկաւ Դադարն յիւովին վերայ, և էանց ի Ս. Գէոր. գայ առջեւէն, որ է Ընդի (Ռուսաց) եկեղեցի, և գնացին մինչեւ ի Եւրասիովն, և դարձաւ. զոր զՄիքելաշն սպանեցին զիւովցին՝ Ադեքոյին զօրդին:

1526. ԹՎ. ԶՀԵ. Սեպտեմբեր ամսոյ. ան ազգն Տաճկաց Խոնդէքարն Սուլէյման՝ կոտորեց զՄաճար ազգն, և զԹագաւորն Լուսովիկ փախստական աւարար. և ոչ գիտացին թէ զի եղեւ Թագաւորն, և զՊոլսին քաղաքն՝ որ էր դախթն Մաճարաց՝ էառ:

1527. ԹՎ. ԶՀԶ. Գնազ Կոստանդին կոտորեց զԴադարն, Քէրօրմանէն այսկոյս հինգ միլ, և էին 25,000:

1530. ԹՎ. ԶՀԹ. Գնազ Կոստանդին վաղջանեցաւ. զոր բազում քաջութիւնս ցուցեալ փոխեցաւ առ Քրիստոս:

1535. ԹՎ. ԶԶԳ. Բան Դառնովուքի էառ զՍղարոյտուպն զՄոսքովի բերդըն, օգոստոսի 29:

1536. ԹՎ. ԶԶԵ. Ի Կամենից քաղաքն մեծ քամի ելաւ, և 133 տուն կործանեց. և ի նոյն ամին երկիր շարժեցաւ:

1538 ԹՎ. ԶԶԷ. Սեպտ. 17. Եկաւ Խոնդէքարն սուլտան Սուլէյման՝ ի Օլախաց երկիրն, և զԲեդր պարոնն ի յերկրէն եհան, և ընկաւ փախստական:

1538. ԹՎ. ԶԶԷ. Ապրիլի 7, օրն Աւետման Ս. Աստուածածնին՝ արեգակն խաւարեցաւ:

1545. Ի ԹՎ. Հայոց, ԶՂԳ. Մարտի 11 օրն, Ս. Թորոսի շար(աթուն), մեծ ջուր եկաւ և զՀայու ջրաղաչքն աւերեց, և զերկու խապախն (Ջրմուղ?) քաղքին, և այլ շատ պակասութիւն առաւ քաղքին (Կամենիցու):

1545. ԹՎ. ԶՂԳ. Ապրիլի 20. Պարոն Հրիհօրն փառաւոր և զեղեցիկ զանկակ երես ի Ս. Նիկոլայ եկեղեցւոյ, յիշատակ իւրին և իւր հաւասար ննջեցելոց հոգուն համար. ամէն:

1547. Ի ԹՎին Հայոց ԶՂԶ. Օգոստոսի 14, օրն Ս. Աստուածածնին, եկն Ֆրանգի եպիսկոպոսն ի Ս. Աստուածածնին եկեղեցոյ, և քարոզեց երկու անկամ: